

Չատագովության համառոտագիր

Նպատակը և մեթոդաբանությունը. Հետազոտական խնդրի նկարագիր. Մշտադիտարկման շրջանակում ուսումնասիրվել է ՀՀԳՀ-ի իրականացումը երիտասարդությանն առնչվող Հոդված 95-ի մասով: Մասնավորապես՝ ուսումնասիրվել են այն դրույթները, որոնք վերաբերում են քաղաքականության և երիտասարդների ու երիտասարդական աշխատողների ոչ ֆորմալ կրթության ոլորտներում համագործակցությանը ու փոխանակումներին, ինչպես նաև երիտասարդների ու երիտասարդական աշխատողների շարժունակության աջակցությանը: Մշտադիտարկման մեթոդաբանությունը ներառում է տվյալների հավաքագրում երիտասարդներից, երիտասարդական աշխատողներից, երիտասարդական քաղաքականություններ մշակողներից, դասընթացավարներից, երիտասարդական հարցերի գծով փորձագետներից, հետազոտողներից և առաջնորդներից:

Հիմնական առաջարկություններ

- Մշակել որակական և քանակական ցուցիչներ՝ երիտասարդական ոլորտում ՀՀԳՀ-ի իրականացման ճանապարհային քարտեզի համար՝ ներառելով փորձի փոխանակման և կարողությունների զարգացման ծրագրերի թիվը, ինչպես նաև հիմնական որակական փոփոխությունները (ԵԽ պորտֆելի թեմաներ, գիտելիքների, կարողությունների աճ):
- Համապատասխանեցնել միջնաժամկետ ծախսերը ՀՀԳՀ-ի իրականացման ճանապարհային քարտեզին: Ապահովել, որպեսզի ՀՀԳՀ-ի՝ երիտասարդական ոլորտին, հատկապես՝ կարողությունների զարգացմանը, երիտասարդական կենտրոններին և մասնակցային մեխանիզմներին առնչվող դրույթների իրականացման վերաբերյալ բյուջեի տողերը հստակորեն ներառված լինեն միջնաժամկետ ծախսերի ծրագրում:
- ԵՄ բանակցել ՀՀԳՀ համահունչ երիտասարդական քաղաքականության և ծրագրերի ֆինանսավորման հնարավորությունները ԵՄ գործիքներով:
- Իրականացնել կարողությունների զարգացմանն ուղղված գործողություններ՝ ՀՀԳՀ-ով պահանջվող քաղաքականությունները, բարեփոխումները և կանոնակարգերն արդյունավետորեն պլանավորելու, կառավարելու, իրագործելու, մշտադիտարկելու և գնահատելու ինստիտուցիոնալ կարողությունները բարելավելու համար: Երիտասարդական ոլորտում սա մասնավորապես վերաբերում է երիտասարդական ռազմավարության մշակմանը և երիտասարդական քաղաքականության մշտադիտարկման և գնահատման համապարփակ համակարգի ստեղծմանը:
- Համապատասխանեցնել երիտասարդական աշխատողների վերապատրաստման ծրագրերը ԵԽ-ի պորտֆոլիո շրջանակին:

- Սկսնակ և փորձառու երիտասարդական աշխատողների համար ներդնել ատեստավորման հմտափն, մոդուլային ծրագիր, ինչպես նաև աստիճան շնորհող ծրագիր, որը կհամապատասխանի ԵԽ-ի Երիտասարդական աշխատանքի պորտֆելին, ներառել մենթորության և փորձափն ուսումնառության բաղադրիչներ:
- Իրականացնել երիտասարդական աշխատանքում պահանջված հմտությունների քարտեզագրում՝ ելնելով երկրի կոնկրետ կարիքներից, իրականացնել հետազոտություններ և սահմանել փորձի փոխանակման և ուսումնական այցերի թեմաների ու թեմատիկ ոլորտների հստակ շրջանակ: Յուրաքանչյուր ուսումնական այցի համար մշակել հստակ կառուցվածքով պլան, ներառյալ՝ մասնակիցների նախնական և հետագա գնահատումները:
- Ապահովել երիտասարդների ներգրավվածությունը երիտասարդական ծրագրերի և քաղաքականությունների մշտադիտարկման և գնահատման գործում՝ խթանելով սեփականատիրական զգացումը և շահառուների առջև հաշվետվողականությունը:

ՀԸԳՀ ճանապարհային քարտեզով երիտասարդության ոլորտի համար սահմանված միջոցառումները ներդրվել են, սակայն հստակ ցուցիչների բացակայության պատճառով դժվար է գնահատել ՀԸԳՀ-ի իրական ազդեցությունը երիտասարդության ոլորտի վրա: «Երիտասարդական աշխատանք» հասկացությունը և երիտասարդական աշխատողների դերը Հայաստանում ընդհանուր առմամբ համապատասխանում են եվրոպական մոտեցումներին: Երիտասարդական աշխատողների վերապատրաստման հայաստանյան ծրագրերն արդյունավետ են փորձառու երիտասարդական աշխատողների համար, բայց դրանք սկսնակ երիտասարդական աշխատողներին երիտասարդական աշխատանքի համար պահանջվող ֆունդամենտալ գիտելիքներ չեն տալիս: Վերապատրաստման դասընթացների առկա մոդուլներն ուղղված են ընդհանուր հմտությունների զարգացմանը, մինչդեռ ավելի կոնկրետ հմտությունների զարգացման համար ավելի երկարաժամկետ ուսումնական ծրագրեր են պահանջվում:

Հեղինակ՝ Մարինա Գալստյան | galstyanmarina@gmail.com

Սույն հրապարակումը պատրաստվել է Եվրոպական միության ֆինանսական աջակցությամբ: Դրա բովանդակության պատասխանատվությունը կրում է բացառապես հեղինակը՝ Մարինա Գալստյանը, եւ պարտադիր չէ, որ այն արտահայտի Եվրոպական միության տեսակետները: